



GIUSEPPE CABIZZOSU

BIBLIOTECA

www.giuseppecabizzosu.it

Gavino Lai

(Ulassai 1 agosto 1927 - Cagliari 1 agosto 2009)

Deus s'universu ha creadu

Indice

Cenni biografici	5
Deus s'universu ha creadu	6

Cenni biografici

Dottor Gavino Lai.

Nato ad Ulassai il 1 agosto 1927 da Teodorico e Giuseppina Murgia. Fece il ginnasio nel seminario di Lanusei, il liceo e la teologia a Cuglieri, dove prese la licenza teologica. Fu ordinato sacerdote a Lanusei il 22 luglio 1951 e nominato prefetto del seminario dal 21 ottobre dello stesso anno. Laureato in Leggi nell'Università di Cagliari poi in Diritto nell'Università Lateranense, fu parroco di Osini. Dopo la laurea prese servizio presso il seminario di Lanusei dove insegnò matematica. Insegnò poi filosofia e fu vice preside dell'Istituto Magistrale Vescovile "Maria Immacolata", legalmente riconosciuto. Dopo le dimissioni del precedente can. Flavio Cocco, ne divenne preside dal 1970. È morto a Cagliari il 1 agosto 2009 e sepolto ad Ulassai il 3 agosto 2009.

Deus s'universu ha creadu

Omaggio,
cantato in lingua sarda
in onore
di Ulassai e degli ulassesi,
da parte di un ulassese;
col desiderio
di offrire fraternamente
un raggio di speranza,
un po' di sollievo,
a qualcuno di coloro
che soffrono
nell'animo o nel corpo.

1.
Deusu s'universu ha creadu;
a s'homine ha dadu custa terra,
de trasformare in giardinu curadu,
tanta paghe profunda, e mai gherra,
si s'ordine divinu è' rispettadu,
si s'anima est che fiore in serra.
Su Redentore tenimos amigu:
perdonu dona sempre, e mai castigu!

2.
Ulassa, tra sos montes annidada,
incantu de sa terra ogliastrina!
De sa istade s'ora mattutina
su sole chi naschidi ti mostrada.
A su sprigu marinu ses vicina;
po sa bellesa niente mancada!
Si canto cun sa 'oghe e cun su coro,
che mamma, 'eo fizu, ti adoro!

3.
O muntagnosa terra ulassesa,
comente poderosa sentinella
a s'habitadu fàghene difesa
Tisiddu cun Leccorci e S'assa Bella.
De boscos rivestida cun larghesa
a s'habidu adiunghes sa mantella.
Ulassa', posta in logu appressiadu,
chi t'ha bidu ti hade ammiradu.

4.
«De Serì» este funtana famosa,

ristoru dònada a sos sufferentes.
S'abba de Ulassai e' virtuosa:
sa schina raffòrzada e sos dentes;
Fertile faghed sa terra pedrosa
e sos pastores rende' «possidentes».
Sa campagna ulassese e' profumada,
ca s'acqua non l'este mai mancada.

5.

«Leccorci» e' fenomenu connotu:
unu mare de abba ispumosa;
chi de sa rocca pigada su motu;
bianca poit'est impetuosa.
Bale' pena de fagher unu votu
po biri cuss'iscena grandiosa.
E po finire cun ... su dulce e ... frutta,
laba chi pagu in susu b'e' «Sa grutta».

6.

Di front'a unu monte maestosu,
a su giardinu 'e sos mortos vicinu,
avvenide unu fattu curiosu,
portentu naturali genuinu:
«Marosini» repiti' de continu
ogni 'oghe in tonu lamentosu.
Naran ch'este "Maria de Osini",
aspettende de su mundu sa fini.

7.

O bellu e magnificu scenariu,
opera splendida de sa natura!
Zente tenes onesta, sana e pura,
cun donu de talentu altu e variu;
chi de sa fida non time' s'altura;
Est rispettosa de su santuariu.
De bellu aspettu, inoghe, e' sa zente,
ma bale' pius tantu po sa mente.

8.

Ulassa at tentu fizes de cultura
chi a sa terra nostra han' fattu onore;
istima han meritadu po valore,
dotados de mirabile statura;
Personas de altissima bravura,
de virtude han lassadu bonu odore.
S'elencu, po sa storia, lu faghimos,
però in un'ora non finimos.

9.

In chelu Ulassa amigos tene' tantos:
protettores, attentos avvocados.
Sos chi sun' preferidos tra sos santos
ogni annu los chere' festeggiados:
su santu, amigu de's chi sun' curados;
Barbara, cun Maria de sos cantos.
O santos, in Ulassa amados tantu,
cunfortade sos chi sun' in piantu!

10.

S'anima ulassesa e' religiosa
provas non mancan' de fide fervente:
tantu in caridade e' generosa;
Deus tènede in coro e in sa mente;
fizos, naschidos dae custa zente,
sa Cresia han' pigadu in isposa.
Ma si custu non prova' su fervore
defende nos, Depaü Monsignore!

11.

O veneradu nostru paesanu!
Istimadu des animas pastore,
primu de s'Ogliastra a tie s'onore
han' dadu de s'aneddu sacru in manu.
Ma, po non fàghere isforzos invanu,
s'umilidade has tentu in vigore.
Invitadu a sede de Casteddu,
as nadu: «Deu soi pastoreddu».

12.

Depaü Monsignore este su vantu
de Ulassa chi lu hade donadu.
Ogni bene terrenu ha lassadu,
e sas animas hade amadu tantu:
ha predicadu, pregadu e piantu,
a larga manu hade seminadu.
assistad', isse, sos cumpaesanos:
anim'e corpu sian sempre sanos!

13.

A su Signore happeo nadu: «T'amu!»
cando m'hade invitadu a lu sighiri,
«Ateru bene in su mundu non bramu;
cun tegus seu cuntentu de patiri.
Eo puru so fizu de Adamu;
solu tue mi podes assistiri.
Onnipotente amigu, 'eo ti stimo!

Cun tie mai e mai non timo!»

14.

A su Signore, massimu s'onore,
poite chi d'ogni bene este sa vena,
cando s'animu afflighe una pena,
isse dona' cunfortu e vigore.
S'alimentu divinu - su pastore
donadu lu hade in sa famosa «chena»:
«Su matessi faghidelu in memoria!»
o ministru de Cristu, tanta gloria!

15. (In campidanese)

De su cielu mi han fattu ambasciadori;
abogau difensori, troppu amau!
Is peccadoris curu cun timori;
de santus e non santus invocau.
a is chi funti in trumentu o dolori
cunfortu portu che beni bramau.
S'anima indebilis faccu forti;
sa grassia donu in cambi de sa morti.

16.

Tando soe diventadu un «Alter Christus»:
s'Onnipotente mi hade trasformadu!
Portentosu in terra si sun' «Bistus»
de su fizu divinu incarnadu.
Finzas anghelos han narradu «tristus»
cando homines Christu ha cunsacradu.
Si sa manu mi basu riverente,
cristianos, ischides su movente!

17.

De su Pastore sa manu è' prudente:
diffizile este sa «Muntagna santa».
Bene faghede a inculcare in mente:
sa parte de iscalare è' sempre tanta;
s'umilidade sàlvada sa zente;
Senza radixis non cresce' pianta.
Solu su male fattu est «Meu»;
su bene mi lu ha dadu, tottu, Deu.

18.

De umilidade Cristus è' modellu,
esemplare de ogni perfezione.
In tempus de paghe o puru in duellu,
esemplu d'eccellente orazione.
Predicare su Signore è' bellu,

si su pregare move' s'azione.
O ministru de Cristu onnipotente,
a Deus has donadu coro e mente.

19. (Per il parroco)
Sa rughe porta lughe in ogni zona;
fertile rende' s'opera umana.
Sa Virgini, de totus soberana,
a su Pastore nostru sie' patrona.
Festosa sia sa fida, santa e sana!
A sos chi sun' penendu, amore dona!
Dae s'anghelos semperaggiudadu,
isco chi males tantos has curadu.

20.
S'omine ha bidu su sole divinu
cando Cristus in terra est' apparidu.
pro sa umanidade ha patidu;
Isse trasforma' sempre pane e binu
in donu de amigu genüinu,
prova segura d'amore infinidu.
Ma su fattu primu prodigiosu
una sposa ha favoridu cun su sposu.

21.
In cussa festa a Cana, in Palestina,
sa bevanda 'e sarmentu est mancada:
sos invitados, pustis assazada,
l'han gustada menzus che meighina;
a cubedda intrea l'han' buffada,
bettende dê carrada in cobedina.
Custu 'inu è' partiu dê susu 'e s'ischa;
ma si fini' buffaus abba frisca.

22.
In cussu isposoriu famosu
sa Virgini ha pregadu su Signore:
subitu hade ottentu su favore,
ca su fizu divinu è' generosu.
A s'isposados dona, Cristu, amore!
Amore eternu cun d'onnia gosu.
Su sposu cun sa sposa sia cuntentu!
Annos bivan chimbanta pius chentu!

23.
Battorochentos han' in terra ottentu
- si faghimos s'elencu approssimadu -
su generosu riconnoschimentu

chi Nobel in s'Isvezia ha pensadu.
A s'Italia custu "appreziamentu"
deghe 'oltas e trese l'è' toccadu.
In sos versos d'una doppia ottada
su nomene de zente ammirada.

24.

Marconi este notu in ogni terra,
cun Fermi, Rita e Rubbia, famosu.
Moneta po sa paghe è' gloriosu.
Natta su "propilene" ha fattu "a perra".
a s'Anòfele e cancru impiedosu
Golgi - Dulbecco han' movidu gherra.
Istos otto illustres zittadinos
lughe diffunden' che astros divinos.

25.

Carducci, cun Deledda e Pirandellu
- impares cun Quasimodo e Montale -
s'onore han' ottentu pius bellu,
chi su nomene faghed'immortale.
In s'arte de iscriere est modellu
si su "Nobel" ottenede unu tale.
Sa scrittrice, ch'in su mund è' famosa
s'isola sarda rende' gloriosa.

26.

S'antipastu 'e sirboni talanesu;
"salmoni" cunfettadu dae sa Spagna;
accumpagnados lus han cun "isciampagna";
tartufu e orrostu orgosolesu.
Aragost'e caviale han postu in mesu,
cun filettu e meli de campagna.
"Zuppa inglesi" e frutta, finu a tardu,
caffè gustendu e filu ferru sardu.

27.

S'homine dignitosu e onoradu
non cherede sa mente infastidida;
su gustu antizipante "dipartida"
lu lassa' che disizu disprezzadu.
su mustu, naran, ch'allonga' sa vida,
si bene lu gustamos misuradu.
Sia dê fiores sa strada profumada!
Onnia grazia bi siede donada!

28.

Candu s'amigu troppu este allegrittu

divertidu lu hade "su sarmentu".
s'effettu lu faghide a lentu a lentu,
ma istare non podede dirittu.
Si si move' che canna po bentu
male li hade fattu "su muschittu".
Bona fortuna, populu stimadu,
ogni bene ti stringad'abbrassadu!

©2026 Gavino Lai